

感症鑑筏

增春署簽



感症寶筏卷之二下目錄

三陰總辨

太陰經症

太陰總要述古

太陰本病述古

腹滿

腹痛

發黃

吐利

太陰新法

少陰經症

少陰總要述古

少陰本病述古

但欲寐

口燥咽乾

咽痛

吐
吐利

少陰新法

厥陰經症

厥陰總要述古

厥陰本病述古

氣上衝心

吐衄

厥

下利

少腹滿

囊縮



南京中醫藥大學圖書館版權所有

厥陰新法

救逆述古

誤汗例

誤下例

救逆新法

差後諸病述古

差後諸病新法

差後浮腫

差後昏沉

汗後頭疼

解後額熱

解後腹熱

差後耳聾

差後語蹇

差後不寐

解後咳嗽

解後盜汗

差後妄言

差後吐涎沫

解後下血

差後頤毒

差後酒復

差後食復

差後勞復

陰虛勞復

差後色復

差後調理

差後禁忌



南京中醫藥大學圖書館版權所有

感症寶筏卷之二下

三陰總辨

撰傷寒書者。每於三陰或熱或寒之故。都模糊過去。卽有傳經直中之分。亦非仲景本旨。此處不明。何以臨症用陳鄙見。質諸高明。一三陰有陽經注入之邪。有本經自感之邪。注入之邪。則傳變不一。陽主動也。從陽經注入病多傳變。自感之邪。則多在本經。陰主靜也。三陰自受之邪。只在本經而無傳變。

邵評傳經自受。是邪入三陰之兩大法門。

一三陰世都以傳經直中分兩門。傳經悉指爲熱。直中悉指爲寒。此說似是而實有未盡者。夫傳經卽邪從三陽經傳入直中。卽本經

自受之風寒也。蓋邪之傳入三陰。熱症固多。而寒症亦間有。（傳經邪入三陰。其人陽氣素虛。不能化熱。亦間有寒症者。）本經中寒。固無熱症。而中風亦能發熱。（直中三陰。寒邪入陰。不能化熱。亦若風邪入陰。亦有發熱者。風爲陽邪。故也。）未可以此分寒熱了。其症細述於左。

邵評。不可以傳經自受。分其寒熱者。以陰經寒邪。不能發熱。陰經風邪。亦有發熱也。

一邪從陽經。注入三陰。則或爲熱症。或爲寒症。如邪入太陽。先作鬱熱。以次傳入陰經。則爲熱症。（太陽先化熱。而後轉入陰經。爲熱症。）或邪在太陽。不及鬱熱。卽入少陰。而現少陰形症。則爲寒症。

（太陽脈沉用四逆湯溫裏之症）或太陽之邪卽入少陰而仍帶太陽標病則爲先寒後熱之症（少陰反發熱仍用太陽之表用麻附細辛湯溫經散邪之症）或太陽之邪不傳陽明少陽便入三陰隨其人體質虛實藏府寒熱則從陰化爲寒症從陽化爲熱症（太陽之邪傳入三陰其人陽氣充實則從陽化爲熱症陽氣衰少則從陰化爲寒症所以三陰有或寒或熱之不同也）或風溫之邪從三陽入陰經則無不爲熱症（風溫爲陽熱之邪入於陰經最易傷人之陰故有熱無寒）凡三陰篇內所稱轉屬陽明而用承氣等湯皆陽經傳入之熱症也（陽經熱邪傳入三陰其人臟氣實而不能容則還之於府府者胃也邪轉入胃則不復傳

故可下也）

邵評邪入三陰或寒或熱之故分別詳明。

一三陰自受之邪各有中風中寒之症三陰中風則能發熱以風屬陽邪故也（三陰自受風邪亦能發熱）三陰中寒則不能發熱以寒屬陰邪故也（三陰自受寒邪不能發熱）即少陰有反熱之症亦必帶太陽標病而然（有太陽之表故用麻黃發表辛附溫經）後人但知傳入三陰爲傷寒不知三陰自感亦傷寒也故於本經中風發熱便誤認爲傳經標病以本臟中寒無熱卽指爲直中陰症（三陰自受風邪發熱之症誤作傳經熱症施治其害非小）詎知桂枝湯爲表之裏藥固能兼治三陰自感之風邪而理中四逆

等湯本治三陰自感之寒邪也。耶。蓋風寒六氣之傷人。或入於陽。或入於陰。原無一定。但值何經之虛而治之。不得專以太陽爲受邪之始也。邪之中人。無常非定自太陽而始也。乘其經氣之虛。而邪襲入之。故內經有中於項則下太陽。中於面則下陽明。中於頰則下少陽之文。可見邪氣非定自太陽而入也。故三陰固有陽經注入之症。亦有本經自感之症。均屬傷寒。不必另立名目也。茲於三陰經中。無直中之條。非略也。正不敢蛇足耳。

邵評三陰自受寒邪。不能發熱。三陰自受風邪。亦能發熱。不可因其有熱。誤認爲陽經傳入之熱症也。惟三陰自受風邪。宜桂枝湯和表。自受寒邪。用理中四逆溫裏。

一三陰自受之邪。論中有可歷指而見者。如太陰病。脉浮者。可發汗。
（浮爲太陰表脉）宜桂枝湯。此太陰中風也。（太陰自受風邪。表
症用桂枝湯和表）如太陰病。腹滿而吐。自利益甚。時腹自痛。此
太陰中寒之症也。（太陰自受寒邪。裏症宜溫中）如少陰中風。脉
陽微陰浮者。爲欲愈。此卽少陰中風欲愈之脈也。（脈陽微邪退
也。浮者陰出之陽也。此少陰自受風邪欲愈之脈）至於少陰中
寒。宜汗者。麻黃附子細辛湯。（少陰自中寒邪之症。乃少陰反發
熱。兼見太陽之表。故用麻黃發表辛附溫經）當溫者。附子四逆
等湯是也。（寒邪直中。故用溫裏）如厥陰中風。脉微浮。爲欲愈。此
卽厥陰中風欲愈之脈也。（脈微爲邪退。浮爲陽脈。故爲欲愈。乃

厥陰自中風邪欲愈之脈。厥陰中寒。卽用當歸四逆加吳萸生薑湯是也。厥陰自中寒邪之症。用發表溫經之法。此方是厥陰之表劑。閱少陰厥陰篇內止中風欲愈之脈。並無未愈之証。治者必有闕文也。

邵評。此論三陰自受風寒脈症治法。分別精細。

一三陰篇內。惟少陰有大承氣急下三症。而太陰厥陰篇內。並無承氣之條。奈何後人反稱邪在厥陰。三承氣選用。三陰借陽明爲出路。邪入三陰。藏氣實而不能容。則還入陽明。而成可下之症。非邪在厥陰而可用承氣下之也。夫承氣本陽明胃藥。少陰用承氣者。蓋因腎水一虧。胃土燥實。病已轉屬陽明。故急下以存陰。



風症寶笈
液（少陰急下三症因熱結胃府而燥實恐其灼乾腎精胃液故急下以存陰）仲景述厥陰病云下之利不止此厥陰忌下之明戒也焉有邪在厥陰反用承氣之理聖訓具在是非自見（三陰之邪不轉屬陽明胃府切不可下不獨厥陰也）

邵評論三陰熱邪結實可用承氣攻下之法否則切不可用之理分別甚精

太陰經症

太陰總要述古

理中湯 桂枝湯 五苓散 四逆湯 四逆加人參湯

三物白散 桂枝加芍藥湯 桂枝加大黃湯

太陰本病述古

腹滿 腹痛 發黃 吐利

太陰濕土所主。仲景以腹滿而吐、食不下、時腹自痛、自利不渴、（不渴是寒）等症爲太陰主病（太陰病之總綱）乃濕土自病、非陽經注入之症也。其脈必沉而細（太陰寒濕之脈）無論外受寒邪、內傷生冷、總以溫中散寒爲主。理中湯主之。



邵評太陰受邪有二端。一因外受風寒。一因內傷冷食。與他經不同也。自受寒邪。治宜溫中。

若太陰中風。其脈尺寸俱浮。浮爲風。其症四肢煩疼者。陽邪也可發汗。宜桂枝湯。其脈陽微陰濇而長者。爲欲愈也。陽微者邪退之脈也。濇脈轉長爲陰出之陽。故愈。此論太陰桂枝症并欲愈脈。

太陰腹滿而痛。自利不渴者。因於寒。咽乾而渴者。因於熱。因於寒濕土自病。宜理中溫之。因於熱。病必關於陽明。或暴煩下利。或發黃便硬。此脾家熱。即屬胃家之熱。爲轉屬陽明之症。宜從陽明治。

邵評。同是滿痛自利。着眼渴與不渴。不渴自受寒邪。故宜溫。渴

是陽經熱邪傳入太陰。脾胃相連。故病關陽明。太陰熱邪轉屬胃府。故可從陽明治。此太陰滿痛自利。以渴不渴辨寒熱。最爲要訣。

傷寒脉浮而緩。緩爲脾脈浮爲表脈。身不發熱。手足自溫者。太陰也。太陰身當發黃。若小便自利者。不能發黃。濕從小便下走。故不發黃。蓋寒濕傷於肌肉。不能外越皮膚。故發黃。若小便利則濕氣下輸膀胱。便不發黃。設小溲不利。當用五苓散利之。濕傷太陰之表。故用五苓利水以泄表。然寒濕傷於太陰之表。可從小便而出。若濕熱傷於太陰之裏。又當從大便而出。故至七八日暴煩下利。雖日十餘行。祇須苦辛通降。俾脾家所積腐穢行盡自止。既不須瀉。亦

不須下也。

邵評太陰熱邪暴煩。是裏陽陡發。下利雖多。正是脾家穢積之去路。去盡則自止。此條是太陰濕熱。故脈浮緩。治當利小便。若七八日暴煩下利。是陽氣來復。脾家所有積穢。下盡自止。不須用溫與下也。

傷寒四五日。復中痛。若轉氣下。趨少腹者。太陰寒濕下注。將成下利之兆也。此欲自利也。自利不渴者。屬太陰。以其臟有寒故也。太陰本有寒而陰邪又中之也。當溫之。與四逆輩。

邵評太陰自受寒邪。氣機下注。故有下利之兆。自利因於寒濕。故不渴。治當溫臟祛寒。

惡寒、脈微而復利。四逆加人參湯主之。

邵評惡寒而脈微下利。陽虛而陰勝也。此爲陰寒下利。用四逆

湯溫裏。人參補虛。最爲精當。

下利十餘行。脈反實者死。正虛邪實。此脾氣虛而邪氣盛故也。太陰腹滿時痛。寒邪也。誤下之。胸下結硬而成寒實結胸。無熱症者。三物白散。寒結中宮而成實與熱實結胸不同。故申之曰無熱症者。此句當着眼。病在膈上者必吐。膈下者必利。如不利。進熱粥一盃。利過不止。進冷粥一盃。

邵評腹滿時痛。太陰寒邪。誤與寒藥下之。寒邪與寒藥相結。成寒實結胸。與熱實結胸不同。故用溫通一法。無熱症者不四

肢煩疼也。

若太陰誤下。續得自利。脈弱。腹滿而痛。此太陽之熱邪陷於太陰之裡也。腹滿時痛爲虛。宜桂枝加芍藥湯。腹滿大痛爲實。宜桂枝加大黃湯。然脈弱則胃氣亦弱。故云。設當用大黃芍藥者。宜減之。

邵評。下利爲太陰本症。自利因脾實。穢盡則愈。自利因臟寒者。四逆輩溫之。此自利因太陽誤下。而邪入太陰。則腹滿時痛。當加芍藥。大實痛者。當加大黃矣。然下後脈弱。則胃氣亦弱。當小其制而減用之。雖然。下利腹痛。熱邪爲患。故用芍藥。若陰寒腹痛。非芍藥所宜。仲景與大黃並提。勿得輕視。若誤下太陽熱邪。陷入太陰。是陽經注入之症。分虛實治之。